

Хөөггян үвлас бүрн гаргъхмн

Юстинск района „Раздольный“ совхозд ферм болгънд агитколлективс бүрдэгдв. Агитколлективс цуцрлтан угагъар олн-амтн дунд цääлгъврин кöдлмш делгрүлджанä. Улгүрлхд, совхозин гурвдгч фермд коммунист Карсаев Нарма гардврта 19 күүнäs агитколлектив бүрдэгдв. Эдн дунд нег үлү сäänär цääлгъврин кöдлмш кеджähнь веттехник үр Улюмджиев, зоотехник үр Мукашев, комсомолка Зоя Орехова, нань чигн улс.

Эн агитколлектив олн-амтн дунд СССР-н Деед Советин сессийд кесн үр Н. С. Хрущевин доклад, коммунистическ болн кöдлмшч партьсин Совещанä Декларац болн Манифест цääлгъдж öгв.

Энүнä ашднь хөөчирин дунд социалистическ дөрлдän öргнär делгрв. Хөөггян гару угагъар, сäänär үвлзүлхин тускар хөөчир темдгтä даалгъвр бийсдän авцхав.

Ах хөөч коммунист Сангаджиев Сергей, хäläджäh хөөггян гару угагъар үвлзүлдж гаргъх, хөөнәннь чинäg дундинäs тату бишär гаргъх, үвлär хөөдän газр идүлдж хärүллгәнäs иштägгär, үвлин туршар 30 процент öвс арвладж үлдäх даалгъвр авб.

Ур Сангаджиевин седвäриг дөнәнäd, ах хөөч үр И. Давыдов бас бийдän тиим даалгъвр авб. Эн даалгъвртан иигдж немв: үвлин замд хөөчирин зоотехническ медрл ööдлүлхмн, кошаран цеврцеерär бärхмн.

Иим даалгъврмуд нань чигн кесг хөөчир авцхав.

Гурвдгч фермин ах хөөчир Жайма Ганбетов болн Сарбадиев хөөнä үвлзнгүр öвс зöөлгәнä кöдлмш гардцхав. Эднä бригадс 116-д тонн öвс үвлзнгүр зöөчкв, эннь хөн болгънд 142 килограмм öвсн болна. Öвсн ода чигн зöөгдä бäänä.

АСАНОВ Бадм.